

VII. KAFLI

Um breyting samþykktar og hvernig samþykkt verði úr gildi felld.

25. gr.

Tillögur, er fram kunna að koma til breytinga á samþykkt þessari frá hreppa-búnaðarfélagum eða sambandsstjórn, skulu sendar til allra aðila, er að samþykktinni standa samkvæmt 1. gr., til umsagnar. Þær skulu síðan ásamt umsögn búnaðarfélaganna lagðar fyrir aðalfund búnaðarsambandsins. Samþykki löglegur aðalfundur breytingarnar með að minnsta kosti $\frac{3}{5}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

26. gr.

Samþykkt þessa má því aðeins nema úr gildi, að rökstutt álit meiri hluta samþykktaraðila liggi fyrir um, að tilgangi samþykktar verði ekki náð, og lögmaður aðalfundur búnaðarsambandsins samþykki það með að minnsta kosti $\frac{3}{5}$ atkvæðisbærra fundarmanna, enda komi samþykki landbúnaðarráðherra til.

27. gr.

Verði jarðræktarsamþykkt þessi numin úr gildi, ganga eignir stofnsjóðs óskiptar til Búnaðarsambands Skagfirðinga.

28. gr.

Með brot á samþykkt þessari skal farið sem almenn lögreglumál.

29. gr.

Samþykkt þessi gengur í gildi, er hún hefur verið staðfest af landbúnaðarráðherra.

Samþykkt þessi staðfestist hér með samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1945 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 20. marz 1946.

F. h. r.

Vigfús Einarsson.

Árni G. Eylands.

JARÐRÆKTARSAMÞYKKT

fyrir Búnaðarsamband Húnavatnssýslu.

I. KAFLI

Takmörk samþykktarsvæðis og markmið.

1. gr.

Samþykktarsvæðið er Austur-Húnavatnssýsla.

2. gr.

Búnaðarsambandið tekur að sér á þann hátt, sem fyrir er mælt í samþykkt þessari eftirgreind verkefni á samþykktarsvæðinu að undanskildum þeim jörðum, er falla undir ákvæði VI. kafla jarðræktarlaga nr. 54 frá 4. júlí 1942, um búferlaflutning:

1. Að ræsa fram land til túnræktar, garðræktar, engjaræktar og beitiræktar. Tekur framkvæmd verksins til fullnaðarframræslu á landinu að opnum skurðum, svo og lokræsum, þar sem þess er þörf, eins og fyrir er mælt af trúnaðarmanni, er Búnaðarfélag Íslands samþykkir til að hafa á hendi undirbúning um, hvernig verkið skuli framkvæmt. 52
22. marz
2. Að framkvæma jarðvinnslu á túnnum á samþykktarsvæðinu. Nær það til plægingar, herfingar og jöfnunar landsins. Hverjar vinnsluaðferðir verða viðhafðar á hverjum stað, fer eftir fyrirsögn trúnaðarmanns Búnaðarfélags Íslands.
3. Að taka að sér jarðvinnslu til nýræktar túna eða garða. Nær það til fullnaðarvinnslu landsins á sama hált og gert er ráð fyrir í lið 2.
4. Að framkvæma sléttun engja, svo að þær verði véltækar, hvort heldur það er gert með völtun, vinnslu landsins, flóðgarðahleðslu eða öðrum aðferðum eftir fyrirsögn trúnaðarmanns Búnaðarfélags Íslands.

II. KAFLI

Skipun og verksvið framkvæmdastjórnar.

3. gr.

Stjórn Búnaðarsambands Húnavatnssýslu hefur alla umsjón og framkvæmdir þessa máls.

4. gr.

Stjórn sambandsins annast kaup á nauðsynlegum vélum og verkfærum til skurða- og lokræsagerðar, svo og á jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við verkfæranefnd ríkisins um kaup og val vélanna.

5. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða. Henni ber að hafa þau tryggð fyrir fjárhæð, er svarar til verðgildis þessara eigna, í samráði við verkfæranefnd ríkisins.

6. gr.

Stjórnin sér um allan rekstur vélanna. Henni ber að gera og undirrita alla verktökusamninga við hina einstöku framkvæmdaaðila á samþykktarsvæðinu og ákveður í samráði við stjórnir hreppabúnaðarfélaganna, á hverjum tíma og í hverri röð verkefnin eru unnin.

7. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn. Getur hún falið honum framkvæmdastjórn um daglegan rekstur og umsjón með verkstjórn vinnuflokka með erindisbréfi.

8. gr.

Allir samningar, er stjórnin gerir fyrir hönd sambandsins samkvæmt samþykktum þess eða ályktunum aðalfundar, eru skuldbindandi fyrir félagsheildina. Stjórnin ber ábyrgð gerða sinna fyrir aðalfundi sambandsins.

III. KAFLI

Um tilhögun framkvæmda.

9. gr.

Skylt er stjórnnum hreppabúnaðarfélaganna, hverri á sínu svæði, að skrá verkbeiðnir félagsmanna fyrir lok janúarmánaðar ár hvert. Skal þar tilgreint, hverjar

- 52 jarðbætur óskað er, að unnar séu á því ári, svo og verkmagn þeirra. Skýrslum
22. marz þessum ber að skila til sambandsstjórnarinnar eigi síðar en 15. febrúar ár hvert.
Skýrslunni fylgi frá verkkaupendum greiðsluskuldbinding hvers fyrir sig fyrir
þau verk, sem hjá þeim verða unnin á því starfsári, sbr. 21. gr.

10. gr.

Að fengnum þeim skýrslum, er um ræðir í 9. gr., ber stjórn sambandsins að semja starfs- og rekstursáætlun fyrir yfirstandandi ár. Rísi ágreiningur innan stjórnarinnar um veigamikil atriði framkvæmdaáætlunar, ber að leggja hana fyrir fund búnaðarsambandsins til samþykktar.

Framkvæmdastjórn er skyld að framfylgja samþykkttri starfsáætlun, eftir því sem við verður komið.

11. gr.

Við undirbúning framkvæmdaáætlunar sé þess gætt:

1. Að þær jarðir, sem minnst véltækt land hafa, sitji fyrir vinnu, eftir því sem við verður komið án þess að valda óhæfilegum aukakostnaði í tilflutningi véla og verkfæra.
2. Að túnasléttun að öðru jöfnu sé látin sitja fyrir öðrum ræktunarframkvæmdum.
3. Að land það, sem brjóta á til ræktunar, hafi verið ræst fram á fullnægjandi hátt að dómi trúnaðarmanns Búnaðarfélags Íslands.
4. Að framræsla bithaga komi að jafnaði því aðeins til greina, að fullnægt hafi verið framræsluverkefnum vegna túna-, garða- og engjaræktar á þann hátt, að það tefji eigi jarðvinnslu, svo að því marki verði náð, að allur heyskapur verði tekinn á vélfæru landi.

IV. KAFLI

Um verðákvarðanir og greiðslu kostnaðar.

12. gr.

Kostnaður við framkvæmdir, er í samþykkt þessari getur, greiðist af verkkaupanda eftir þeim skildaga og á þann hátt, er tilgreint verður í verktökusamningi þeim, er um getur í 6. gr. þessarar samþykktar. Heimilt er stjórninni að láta greiðslur fara fram eftir áætluðum verktöxtum, meðan verkið stendur yfir ár hvert, en fullnaðaruppgjör sé byggt á tilkostnaðarverði, eins og það verður samkvæmt rekstursreikningi hvers árs. Áætlaðir verktaxtar séu miðaðir við tímæiningu.

13. gr.

Til reksturskostnaðar telst greiðsla vinnulauna, allur reksturskostnaður véla og greiðslur tryggingar- og fyrningargjalds af þeim. Kostnaður við flutninga þeirra milli vinnustaða, viðhald véla, er stafar af eðlilegu sliti þeirra, vaxtagreiðslukostnaður, kostnaður við verkstjórn og stjórnarkostnaður. Heimilt er sambandsstjórn að ákveða og leggja á framkvæmdakostnað áhættuþóknun, er nemi allt að 5% af heildarreksturskostnaði hvers ár.

14. gr.

Aðalfundur búnaðarsambandsins getur heimilað stjórninni að taka ákveðin verk, sem tilgreind eru í 2. gr. þessarar samþykktar, í ákvæðisvinnu, enda sé lögð fyrir aðalfund kostnaðaráætlun og verklýsing af því, sem vinna á.

15. gr.

Heimilt er stjórninni á þeim tímum, sem ekki er unnt að vinna að skurðgrefli, lokræsagerð eða jarðvinnslu fyrir samþykktaraðila, að taka að sér verkefni fyrir

búendur, hreppsfélög eða aðra aðila á samþykktarsvæðinu, þó að þau falli ekki undir ákvæði 2. gr., ef sýnt þykir, að það sé hagkvæmt fyrir sambandið, enda sé tryggt, að vélakostur sé ekki festur við þessi störf, svo að það brjóti í bága við hagsmuni samþykktaraðila. 52
22. marz

16. gr.

Rekstursafgangur af áhættuþóknun, svo og ef ágóði verður af ákvæðisvinnu eða þeim verkum, er um getur í 15. gr., skal leggjast í stofnsjóð samþykktarsvæðisins og varið samkvæmt ákvæðum þeim, er um hann gilda, sbr. 17. gr.

V. KAFLI

Fjáröflun og tryggingar.

17. gr.

Búnaðarsambandið myndar stofnsjóð til vélakaupa.

Stofnfjárhæð hans er kr. 200000.00.

Til stofnsjóðs telst:

1. Óafturkræf framlög búnaðarsambandsins og hreppa-búnaðarfélaganna, er nemi minnst kr. 50000.00.
2. Óafturkræf framlög frá einstaklingum eða öðrum aðilum.
3. Stofnlán tryggt með ábyrgð búnaðarsambandsins og endurgreiðist innan fimm ára.
4. Styrkur úr framkvæmdasjóði ríkisins til vélakaupa og áhalda.
Til árlegra tekna sjóðsins telst:
 - 1) Tekjur þær, sem inn koma samkvæmt 13. og 16. gr.
 - 2) Vaxtatekjur og aðrar tekjur, er til sjóðsins kunna að falla.

18. gr.

Stofnfjárframlag greiðist inn í stofnsjóð, þá er samþykkt þessi hefur öðlazzt gildi.

19. gr.

Komi í ljós síðar, að álit stjórnaninnar, að auka þurfi stofnsjóð, ber henni að gera rökstuddar tillögur um stofnfjáraukninguna og tilkynna það hreppabúnaðarfélagunum þrem mánuðum fyrir aðalfund búnaðarsambandsins. Skal tillagan lögð fyrir félagsfund.

Ef meiri hluti löglega kjörinna fulltrúa samþykkir stofnfjáraukningu á aðalfundi búnaðarsambandsins, er hún bindandi fyrir hreppabúnaðarfélögin, og leggur þá búnaðarsambandið fram $\frac{3}{4}$ stofnfjáraukningarinnar, en búnaðarfélagin sameiginlega $\frac{1}{4}$.

Framlag hvers búnaðarfélags skal greitt í hlutföllum við fasteignamat lands og ræktunarlóða. Þó skal hver verðeining í ræktunarlóðum aðeins bera hálfan gjaldþunga móti einingu í öðru landverði.

20. gr.

Heimilt er stjórninni að taka reksturslán gegn tryggingu í þeim jarðræktarstyrk, er á umbæturnar verður greiddur úr ríkissjóði samkvæmt ákvæðum II. og V. kafla jarðræktarlaganna.

21. gr.

Skyllt er samþykktaraðilum að hafa greitt til stjórnarinnar $\frac{3}{4}$ af áætluðu kostnaðarverði, að frádregnum áætluðum jarðabótastyrk, þeirrar vinnu, er þeir hafa pantað, áður en verkið er hafið.

Eftirstöðvarnar greiðast með gjalddaga, er verktökusamningur ákveður.

VI. KAFLI

Um reikningshald og endurskoðun.

22. gr.

Reikningsár félagsins er almanaksárið, og skal reikningsskilum lokið svo tímanlega, að endurskoðun geti farið fram, áður en aðalfundur búnaðarsambandsins er haldinn. Skulu endurskoðendur sannprófa, að reikningum beri saman við bækur stjórnarinnar.

23. gr.

Endurskoðendur skulu vera tveir, kjörnir af aðalfundi sambandsins til eins árs í senn. Þeir skulu kynna sér reksturinn sem bezt og hafa eftirlit með starfrækslu stjórnarinnar í hvívetna.

24. gr.

Endurskoðaðir reikningar skulu lagðir fram til samþykktar á aðalfundi sambandsins. Þar gefur stjórnin skýrslu um starfsemi, svo og endurskoðendur, ef tilfni er til þess.

VII. KAFLI

Um breytingu samþykktar og hvernig samþykkt verði úr gildi felld.

25. gr.

Tillögur, sem fram kunna að koma til breytinga á samþykkt þessari, skulu sendar búnaðarfélagunum til umsagnar. Þær skulu síðan ásamt umsögnum búnaðarfélaganna lagðar fyrir aðalfund búnaðarsambandsins. Samþykki löglegur aðalfundur breytingarnar með að minnsta kosti $\frac{3}{5}$ fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

26. gr.

Samþykkt þessa má því aðeins nema úr gildi, að rökstutt álit meiri hluta samþykktaraðila liggi fyrir um það, að tilgangi samþykktarinnar verði ekki náð, og lögmætur aðalfundur búnaðarsambandsins samþykki það með að minnsta kosti $\frac{3}{5}$ fulltrúa, enda komi samþykki landbúnaðarráðherra til.

27. gr.

Með brot á samþykkt þessari skal farið sem almenn lögreglumál.

Samþykkt þessi staðfestist hér með samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1945 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 22. marz 1946.

F. h. r.

Vígfús Einarsson.

Árni G. Eylands.